

Արարատեան ընդ բարձրաբերձ լեռամբ մասիսաւ թագաւոր արար Տէր 'ի վերայ ամենայն երկրի և 'ի վերայ ամենայն լեռանց, զի որպէս Դրախտն եղեմայ նախամայր եղև բնակութեան նախահօրն մերոյ Ադամայ, այսպէս արարատն մասիսեաւ երկրորդ մայր եղև բնակութիւն երկրորդ հօրն մերոյ Նոյի:

Ուրեմն մի' լիցի առանց պատճառ զի Տէր և Արարիչն ամենայն բարձրաբերձ լեռանց հաճեցաւ իջուցանել միայնակ արդարն և սիրելի այր նախահայր մեր Նոյ 'ի վերայ լեռանն մասիսու և զօրհնութիւն իւր 'ի վերայ տանն Նախիջևանու և երկրին Արարատու:

Մի' լիցի առանց պատճառ առաջին արիութիւնն և ընդ դէմ անձնահաճոյ ինքնակալութեան քաջութիւնն որում սկսեաց Նախնին մեր քաջագանգուր և հաստաբազուկ հզօրն զօրութեամբ Հայկ, որ 'ի բարձրութենէ գոռոզութեան, և 'ի գարշելի հպարտութենէ խոնարհեցոյց և երկիր թաւալեցոյց հպարտացեալն բէլ 'ի յերեսս յերկրին յաշխարհին մերոց տուրութեան 'ի ոտն սիմ լեռան անուանեալն Հայոց ձոր 'ի տեղի որում անուանեցաւ գերեզման:

Մի' լիցի առանց պատճառ զի առանց քարոզ բանից վարդապետաց, և առանց մարգարէից ասածութեանց, և առանց տեսանելոյ հրաշից, և